

Chhuah ṭan : October 1984

RAMTHAR

JULY



2024

BOGNE KOHHRAN BIAK IN



Kohhran chhōngkua 17 nilin, member 51 an awm.
Kohhran mite hi Adi hnam an ni a,
Leilet hi an ei zawna tlānglāwn ber a ni.

Arunachal & Assam Mission Field North

SERMON

Chhuan Tūr Dik - Chanchin Ṭha

Phêk

7 - 13

EDITORIAL BOARD 2022 - 2024

<i>Editor</i>	Rev. Thangzauva	RAMTHAR BIAK PAWHNA
<i>Joint Editors</i>	Upa Lal̄hahluna Ralte Upa Zoramthanga	
<i>News Editor</i>	Pi Ruth Lalhmangaihi	8974694225
<i>Circulation Manager</i>	Pu Lallawmnakima Hmar	
<i>Publisher</i>	Rev. R. Lalhmingsanga	Office hun chhúngin biak ni thei se.
Member-te		
Rev. R. Vanlalinghaka	Synod Moderator	Hun dangah
Rev. P.B. Mankima	Synod Secretary (Sr.)	chuan Call lovin
Rev. Dr. K. Lallawmzuala	Executive Secy., i/c Mission	Message hmanga
Upa Lalramliana	BEC Member	biak ni thei se
Upa H. Zoramthanga	BEC Member	

Thu chhuah t̄ur nei chuan hêngahte hian a thawn theih e:

1. Editor/Cir. Manager, Ramthar Chanchinbu,
Synod Office, Aizawl, Mizoram - 796001
2. Email: ramtharchanchinbu@gmail.com
3. Whatsapp: 8974694225

Ramthar Chanchin bua thu chhuah hi a ziaktu mawhphurhna a ni.

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lal̄hahluna Ralte	Coordinator

KUM KHAT LĀK MAN - ₹ 60/-

A CHHŪNGA THU AWMTE

1. Editor thukhawcháng	1
2. Keimahní	2
3. Ringthar Chanchin Ngaihnawm	3-6
4. Sermon	7-13
5. BUH HMUN AṬANGIN:	14-28
(1) Bolivia rama kan rawngbàwlna	
(2) Tumpanglui feh chuah chanchin	
(3) Shor Term Missionary-a kalna report	
6. Ramthar Feh	29-32

SAKRAMEN



Rev. Thangzauva

Sakramen chu Pathian thatzia lantirna hmanrua leh Krista tán rinawm tura ringtu intiamna a ni a; hmuh theih loh thlarau lam thil thuruk inthup, hmuh theih thil hmanga entirna a ni. St. Augustine-a chuan, *“Sakramen chu chhungril lama thlarau lam thatna, pawn lam hmuh theiha chhinchhiahna a ni,”* a ti. Westminster Confession chuan, *“Krista kan Lalpain Chanchin Thaa Sakramen a ruat chu pahnih chauh a ni a; chungte chu Baptisma leh Lalpa Zanriah hi a ni. Dan ang thlapa nem ngheh thu ravngbawltute chauh lo chuan a enga mah hi an tai tur a ni lo,”* a ti (Bung 27:4)

Baptisma chu Pa leh Fapa leh Thlarau Thianghlim hminga tuia sil a ni (Mt 23:19; Eph 5:26). Hei hi Krista nena kan inzawmna te, Thlarau Thianghlim zara tihnunna te, a ta nih chhinchhiahna leh nem nghehna te a ni. LALPA hnena kan inhlanna thiltih te, sual sim ngaihdamna leh piantharna entirna te, Pathian chhungkua, Kohhrana telna te a entir bawk (Tirh 2:38,41). Baptisma chu tui lam sawina a nihin thlawr, sil, theh, hnim, chiah tihna te a ni. Baptisma chantirna turin Kohhran Upaten tui an buatsaih thin a. Tui chu serh hran a nih chinah chuan Sakramen tui, tui thianghlim a nih avangin puan var thianghlim taka, Lalpa Zanriah Sakramen ang bawka khuh a tha. Nausen - Naupang baptis thu-ah chuan Isuan, *“Naupang tete kan hnenah han kaltir ula, hnar suh u; Pathian Ram chu hetiang mite ta a ni si a,”* (Mt 10:4) a ti a. Isua thu ngai nepa, Pathian ram taa neitu kan fate Isua hnena kaltir loh hi kan phal lo va, kan ngam hek lo. Baptisma-ah hian kan thiltih aiin Pathian lo pawmna hi a pawimawh zawk.

Lalpa Zanriah chu Krista thihna leh thawhleha hriat reng nana chhang leh uain chan ho hi a ni a; ringtuten Krista thihnaa hlawkna an chan chhinchhiahna leh nem nghehna a ni. Lalpa Zanriah hming dangte chu - Lawmthu sawina, Hmangaihna ruai, Inpawlna thianghlim leh Inthawina te hi a ni. Lalpa Zanriah hian kan tana Isua tuarna hriat rengna te, lawmthu sawina te, ringtu zawng zawng - kal tawh leh lo la awm zel turte nena kan inpawlna te leh, Lal Isua lo kal leh tur beiseina nungin kan hmuak tih te a entir (*Maranatha*). Pastor leh Kohhran Upaten an chang hmasa a, a hnu-ah mipuiin kan chang hian Krista changtuten mi dang hnenah kalpuiin an hriattir zel tur a ni tih a entir. Sakramen hlawknate chu Krista malsawmna avang leh rinnaa changtuah a thlarauvin a thawh avanga lo awm a ni (PCI Thurin No VIII; Tirh 8:12; Rom 6:3-4; Gal 3:27; Lk 22:14-23; 1 Kor 11:23-34).

KEIMAHNI

† TUARPUINA:

(1) Pu Laldawngliana (73), Pehlawn, Ramthar Agent chu ni 21.4.2024 khán Zunthlum vângin a thi.

(2) Pi Monsirung (80), Teirei Khawhnai, Nl. Lalchhuanawmi (Dipti), Evangelist, Kolalian (Home Mission North) nu chu ni 5.5.2024 khán Thisen sang leh Zunthlum vângin a thi.

(3) Pu C. Tlangchhuana (76), Khatla East, Nl. C. Lalrammuani, Craft Teacher, Ara (Patna Mission Field) pa chu ni 12.5.2024 khán Chuap tha lo vângin a thi.

(4) Pu Zakunga (81), Chanmari (Aizawl), Pi Lalthlahlovi, Nurse, Sihthiang (Home Mission North) pa chu ni 23.5.2024 khán Awmlaiin a thi.

(5) Pi Tlangthangpuii (74), Falkawn chu ni 24.5.2024 khán Cancer vângin a thi. A fate - Pi Mary Lalhmingmawii, B Ed Trainee, Dimapur leh Pu Isaac Lalrindika, Literature Worker, Siliguri (Siliguri Mission Field) te hi SMB hnuai Missionary thawk lai an ni.

(6) Pu R. Thansanga (62), Bungkawn, Pu Obadia Vanramnghaka, Evangelist Teacher, Karimganj (Barak Area) pa chu ni 24.5.2024 khán Thluaka khawsik lût vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

DUHSAKNA

North East Region Missionary Retreat 2024 hmanng tura lo haw zawng zawngte Ramthar Editorial Board-in kan lo làwm che u a, tísâ leh thlarauva malsàwmna tam tak dawng tûrin duhsakna kan hlàn a che u

RINGTHAR CHANCHIN NGAIHNAWM

PU SANKER BANERJEE



Ramthar chanchinbu chhiartu zawng zawng te, a hmasain tholeh Isua Krista hmingin chibai ka bûk a che u. Tûn tumah hian Pathian khawngaihna azára Calcutta Mission Field rawngbàwna hlawhtling kan hmuh zínga pakhat, Hindu Brahmin puithiam fapa ni òhìn, tûna kan thawktu (*Field Worker*) ni ta chanchin ka han ziak dáwn a ni.

A hming chu Sanker Banerjee a ni a, a pa hi Prafulla Banerjee niin Brahmin hnam a ni. West Bengal state chhim lam thingtláng khua Laxmikantapur-ah ni 23 July, 1953-ah a piang a. Kum hnih a nihin a nuin a boralsan a, nun khawhar takin a awm òhìn a; a piin hun eng emaw chen a enkawl a ni. Kum 13 a nihin a pain nupui dang a nei a, amahah khawharna leh hrehawm tihna nasa lehzual a tawng a, a cháng chuan eng mah ei lova sikul kal cháng te a nei òhìn. High School a kal laiin zirlai fel tak leh òhìn a, kum 1971 kuma an *exam*-naah phei chuan pakhatna dihhmun a hauh pha hial a ni. Chuvàng chuan an zirtirtu leh an Head Teacher thlengin an duhsak êm êm a. Chaw ei lovin sikul kal fo mah se, vawi tam tak an zirtirtuin a chawchhùn ei tùr a pe òhìn. Mahse a nu thar avàngin zirna a chhonzawm thei ta lo a ni.

Kum 1973-ah Kolkata Belegkata-ah *pandal* siam hna a thawk a. Hemi kum hian nupui, Arati Banerjee a nei a, a nupuia pa pawh Hindu Brahmin puithiam tho a ni. Kum khat hnuah a nu thar avàngin bawkin in an chhuahsan a òhìn leh ta a. In chhuahsanin Kolkata-a Jadavpur Dhakuria vengah in luahin an nupaa hna chhe tê thawkin an awm ve nâw nâw a. Chumi hmang chuan anmahni pualin in chhe tê an khâwr ve a. Fapa

pakhat leh fanu pathum neiin, chu lai hmunah chuan an inbéngbel ve a ni. Brahmin hnam a nih avàngin an Hindu lehkhabu hrang hrang, an sakhaw dân leh inkaihhruaina lam te a chhiar nasa thìn hle a, a tha thei ang bera zawm tumin a bei fat fat thìn. An pathian biak leh a hnêna inthâwina hlan te a bei ngawrh thìn hle a ni. Chutih lai pawh chuan sakhaw dang zah lohna emaw, en hniamna emaw a nei ngai lêm lo.

An chènna in bul lawkah inkhelhna zâwl a awm a. Kum 1994 April thla vêl aţangin chutah chuan Kristian nula leh tlangval ten naupang te hnênah hla leh làm te an zirtír thìn a, Isua chanchin te an hrilh thìn a. A fate pawh chutah chuan Zirtawpni tlai apiangin an kal thìn a, Bible *tracts* Pathian thu inziahna chi hrang hrang te an rawn hawn thìn a ni.

Ni khat chu chumi *group member* zínga mi, a nupui lama an nau pakhat, Joyonti Banerjee leh Evan. Chitaranjon Halder-a te chu an inah rawn kalin Isua chanchin an rawn hrilh a. Amah chu inah a awm loh avàngin a ngaithla ve lêm lo va; mahse, zànah a faten Bible *tracts* vêl an rawn hawn chu a chhiar thìn a, a nupui hnên aţangin a ngaithla bawk thìn. Zâwi zâwiin a chhúngte chu Kristian sakhaw inzirtírna leh Isua chanchin chuan an nun hnehin Baptisma chan hial te an duh ta a. Eng sakhua pawh zahna a neih avàngin a chhúng ten Baptisma chan an dil pawhin a hnial lêm lo va; chutichuan, a nupui leh a fate pali chuan September 1995-ah St. Nicholas Biak Inah hetih hun laia Field Secreary, Rev. Dr. R. Lalbiakmawia kutah Baptisma an chang ta a ni.

A chhúngten Baptisma an chan hnu aţang chuan Bible hi a chhiar fo thìn a; mahse, baptisma han chang tûr kha chuan Brahmin hnam a lo ni nèn eng emaw dâltu, sawi thiam si loh kha a awm ve reng a. Mahse a ngaihtuah fo thìn a, a chhúngte zawng zawng Kristian ni a, amah chauhva Hindu nih chu nuam lo tihna leh dik lo deuhva hriatna a nei thìn a. Engtia awm zêl tûr nge tih kha a ngaihtuah thiam lo va. A nupui hi a khum bulah atán hian a aţawngtai fo thìn. A nuihsawh

thìn a, a nupui fanau te pawh chu an Hindu Pathian hnênah *puja* tùrin a la tír lui fo thìn.

Ni khat chu an inah Evan Chittoronjan Halder-a leh Calcutta-a Missionary hmasa ber, Pu Lalhmingthanga ten an va tlawh a. Anni pawh chu a lo lâwm vak lo va, ÷awngkam mawi lo tak taka lo ÷awng khumin chhuahsan a tum a. Chutih lai chuan Missionary, Pu Hminga (*tûnah hian Hunthar Veng Kohhran Upa a ni tawh*) chuan a kut pahniha chelhin, “*Sanker, Isuan a hmangaih che,*” a ti a. A thinlungah eng emaw takin hna a thawk a; mahse, amahah Brahmin a nihna rilru chapona chuan a kaihruai nasain, chumi dinhmun chhuahsan chu harsa a la ti hle a ni. Ni eng emaw zât hnuah ni khat chu Pu Lalhmingthanga leh Evan Tapas Adhikary te chu an inah an va kal leh a. Isua chanchin an va hrilh leh a. Johana 3:16 hmangin Chatuan nunna chungcháng te an sawi a, ÷ha takin a ngaithla a; mahse, a Brahmin nihna chuan nasa takin amahah induh tâwkna a pe a, a rilru a hmin hlei thei lo a ni.

Kum 1996 August ni 25 (Pathianni)-ah a hnathawhna aṅanga a lo hawin, a fanu upa berin ei rawng a lo báwl a. A nu awmna a zâwt a, a fanu chuan Biak Ina a kal thu leh a lo haw tlai deuh dáwn thu leh chumi avànga rawng a lo bàwl thu chu a hrilh a. A thin a rim êm êm mai a, Isua thlalâk leh Bible chu chhuatah a paih a. Chutih lai tak chuan a nupui chu lo lûtin Bible chu a rawn rap palh a, awki sang deuh hian, “*Eng nge a awmzia?*” a rawn ti a.

A nupuiin thil awmzia a hmuh chuan a ÷ap a, ÷ap chungin a tán a ÷awngtai bawk a. Chumi a hmuh chuan a rilru chu eng emaw ti takin a danglam a. A Bible paih chu chhar lehin, a inkeu lai chu enin a han chhiar a, “*Tho la, êng rawh, i êng chu a lo thleng a, Lalpa ropuina chu i chungah a lo chhuah tâk hi,*” (Isaiah 60:1) thu hi a zuk chhiar fuh a. A thinlung chu tihdanglamin a awm ta! Isua a tihduhdah leh a hmuhsit tak chuan thim zing aṅanga ênga zuang lût tùrin a duh a ni tih a hrethiam ta! Chumi ni leh zàn chu thinlunga

làwmna leh hlimnaa khata awmin, Isua Krista hnênah a nun hlânin a lal leh chhandamtu atán a pawm ta a. Chumi ni atanga Pathianni hmasa ber, ni 25 August 1996-ah Mathurapur Biak Inah Rev. Dr. R. Lalbiakmawia kutah Baptisma a chang ta a ni.

Ringtu a lo nih tâk hnuah ni tin Bible chhiarin, mi dang te hnênah Isua chanchin hril a tan ta a. A ðian te leh a lainá zawng zawng, a pa thlengin an thlauhtla a ni. Chutih lai chuan Calcutta Mission Field-a rawngbàwl tûra sàwm niin, kum 1997 May thlaah Native Worker (Evangelist) anga rawih tan a ni. Kumin hi a thawh atanga a kum 27-na a ni. A thawh chhúng hian Fellowship pahnih a enkawl a. Kolkata Pastor Biala Jadavpur-ah Fellowship bul tanin, chumi hnuah Subhashgram lamah a insawn a, eng emaw chen a thawk leh a. Kum 2019-2023 chhúng khán Jadavpur Fellowship hi a enkawl a ni. Rawngbàwlna hlawhtling tak a nei chho zêl a, a rawngbàwlna kal tlangin mi tam takin Isua an hmu a, Baptisma pawh tam takin an chang a ni. Amah kal tlangin Mission Field pawhin malsàwmna nasa tak kan dawng a ni.

Amah hi mi invawng tak, kum upa lam nih tawh pawha in-*fit* tha tak mai a ni a, rawngbàwlnaah a tui êm êm a, eng programme-ah mah hian a tlai ngai lo a ni. Tûnah kum 71 niin, kum upa lam leh chakvak tawh loh a nih avàngin nikum May 2023 atang khán Evangelist anga a rawngbàwlna chu a chawlhsan ta a ni.

Hêng chanchin kan hmuh atang hian kan Synod Mission Board rawngbàwlna leh Kohhranhote ðawngtâina hi a thlawn lo va, thim zínga awm ten Isuaa nunna êng an lo hmuh phah a, boral mékte chhan chhuahin an awm zêl a ni tih a tilang a ni. Boral mékte chhan chhuak zêl tûr hian ðawngtâina nèn hma i la sauh sauh zêl ang u. Amen.

[He thu ziaktu, NI. V. Lalringgheti (Mobile No. 7044680064) hi Calcutta Mission Field atangin kumin hian RMS, Karimganj, Barak Area-ah a insawn a ni. - Editor]



SERMON CHHUANTÙR-DIK CHANCHIN ȚHA

Chhiar tùr: Rom 1:16; Gal 6:14

Rev. R.C. Lalchhuanthanga
Asst. Professor, Missionary Training College
Mobile No: 7085237973



Kohhranin Chanchin Țha hril kan buaipui nasa hle a. Chutih mék laiin Isua ringlote pawhin buaipui dân dangin an buaipui thar nasa ve hle bawk. Krista Chanchin Țha hi mite tána damna leh hmangaihna thû ni mah sela, vau leh beihna kárah chuan fímkhur taka hril a ngai ta hial mai. Chanchin Țha thiltihtheihna hi Setana hian a thík nasa tual tual a. Hei hian kohhranin Chanchin Țha kan hril hi a nung a, thiltihtheihna a neihzia a tár lang bawk.

A bîkin India ramah ‘Baptisma’ Țawngkam lanna thlengin ûm zui a hlawh ta zêl a. Bible *tract* sem leh Pathian thu hrilna thlengin khap leh dodâl kan tâwk chho zêl bawk a. Missionary te chanchin hriat chian duhna leh an chêtvelna thlenga hriat zui tumin min veh mék bawk a ni. Kohhranin phal taka Chanchin Țha kan pêk chhuah hian Setana kulh a Țhiat mék a. Chu chuan Krista tán ram a là a ni mai lo, pathian dang betute a awm hlè hlè-tír thei ta lo a ni ber. Isua ringlote aȚanga beihna kan tawh mék

hian kan Chanchin Țha hril hi a nunga, Thlarau Thianghlimin kohhrante min la thawhpuzia a tár lang Chiang hle bawk a ni.

Missionary ropui Tirhkoh Paula khân tihduhdah leh beihna nasa tak kárah Chanchin Țha hi hlawhtling takin a lo hril tawh a. A tih dân zawng zawng sawi vek séng lo mah ila, tûn lai dinhmun aȚanga kan entawn tùr Țhenkhat han tár lang ila.

1. Chanchin Țha a zahpui lo: Isua hre lo sorkar, ringtute

tiduhdah mai ni lo, tihlum fo thìn Rom Sorkar hnuaiiah Paula khân huaisen takin Chanchin Ṭha hi a hril a. A hun laia Sorkar ropui leh chak tak, tharum hmanga hneh rual loh khawpa huphurhawm beih nán Isua Chanchin Ṭha hi tling tâwkah a ngai a. Rálthum ropui leh sipai chakna hmanga hneh theih loh ni mah se, Chanchin Ṭha hian Rom khawpui meuh pawh a vawm thlu zovin a ring tlat a. A tàwpah kha Sorkar ropui tak kha a ṭang zo ta lo va, Chanchin Ṭha thiltihtheihna hmaah a tláwm ta a nih kha.

Gamaliel-a ke bula sei lian ngat, Paula khân a finna tam tak kha hmachhuan tlâk a nei. Nimahsela, chûng zawng zawng ai chuan Krista Kraws hi a hmachhuan tlat a. Hei hian Setana kulh a thiat zo thei tih a hre Chiang a. Sorkar ropui tak hneh nán pawh hmanraw tling a ni tih a hmu Chiang hle. Amah vêkin Galatia 6:14-ah, “*Kei erawh chuan kan Lalpa Isua Krista kraws lo chu ka chhuan*

loh tûr zia mai chu, chu mi zarah chuan khawvêl hi ka tán khenbehin a awm ta, kei pawh khawvêl tán khenbehin ka awm a ni,” a ti. Hmanraw pui ber atán Kraws hi a hmang a. Chu chu khawvêl nèn a nun tihrangtu atán a hmang bawk a. He Thlarau Thianghlim tihnun rawng-bàwlna hmaah hian vawiin thlengin khawvêl hi a ṭang zo lo fo thìn rêng a ni.

Kohhrante tán hian Chanchin Ṭha hril nán Kraws aia dah chungnun leh dah lansarh neih palh a rem lo va. Eng hmanrua pawh hmangin ruahmanna hrang hrang pawh nei ila, Krista Kraws thiltihtheihna hi a bul tumtu a nih a ngai. Hei hian Hindu lalram nghet tak tak te, Isua aia rin zâwk nei pathian dang betute kulh pawh a thiat zêl ang. Isua an khenbehna hmunah ngei pawh sipai za hotu a pianthar thû heti hian kan hmuh kha. “*Tin, sipai za hotu leh a hnêna Isua vénga awm vete chuan lîrngîng leh thil awmziate chu an hmuhin an hlau ta êm êm a, ‘He mi*

hi Pathian Fapa a ni ngei mai,'” an ti a (Mt 27:54). Kraws thiltihtheihna hi vawiin thlengin mihring chuan a dâl zo ngai dâwn lo a ni.

Tirhkoh Paula pawhin hei hi a hriat chian êm avàngin Chanchin Ṭha a zahpui loh thû Rom khuua mite hnênah ziakin a thawn hial a nih kha. *“Chanchin Ṭha chu ka zahpui si lo va; tu pawh a ring apiangte tân chhandamna tûra Pathian thiltihtheihna a ni si a,”* tiin (Rom 1:16). Hei hian a târ lan tel chu, Chanchin Ṭha hriat nán tûn lai hmanraw changkâng leh ṭha chauh hi mite hnehna ber a nih lo tih hi a ni. Mihring lamah chuan a aia ṭha leh changkâng, ringlote ngaih sàntham hi a langsàr fo. Nimahsela, chûng ai chuan Kraws thûin mite thinlung a hneh tluka hlu hi a awm lo. Kraws thû hi a la tûn lai ber a; Setana ram ṭhiah nán a la tling tâwk a, zahpui lova chhuang tlat ṭhînten ram an la zêl baw ang. Krista tâna ram lâkpui tûr erawh chuan Kraws-in a chin ral

rawngbâwltu nih erawh a ngai thung. Chutah chuan mihring lama sut a huphurhawm poh leh a thiltihtheihna a langsàr ting mai dâwn a ni. Paula chhuan – ‘Kraws-ah’ baw hian kan lêt leh fo a ngai ṭhînten.

2. Hma lam pan zêlin:

Rawngbâwlinaah rêng rêng thawk leh hlen zo thawkhat, bawhzui ngaihna awm tawh lo nia ngaih palh hi a rem lo. Khati khawpa Krista tâna seng khâwm hna a thawh tawh hnuah pawh Paula hian Philipi khuua mite hnênah, *“Hmu tawh reng inti ka ni lo va, famkim tawh reng inti pawh ka ni hek lo; ‘Krista mi man chhan chu ka man thei dah law maw,’ tiin a ûmin ka ûm zâwk a ni,”* (Philipi 3:12) a ti.

India ram laili mai bâkah Mizoram chhúnga kan rawngbâwlina hmun hrang hrangah hian tih vak ngaihna awm tawh lo, Chanchin Ṭha hre tawha ring duh si lo nia ngaih thlengin an awm. A ṭhente pheih chu bànsan mai

châkawm hial tawh te an ni. Hêng bâkah, kan rawngbâwlina hlawhtlinna hmêl hian mahni ngei pawh min tilungawi a, chutah chuan chàm reng palh a awl bawk. Buh hmuna bung mék, kan missionary te mai bâkah tírtu kohhrante thinsungah hlen thawkhat nia inngaih palh theih a ni. Lalpa avànga a hlawhtlinna hmêl hmuh hi kan chak zêlna tùr a nih bâkah hma lam min pantírtu a nih a ngai tel a ni.

Isua ringlote aṅanga beihna hi min tiṅhuanawptu aiin hma lam pan tura chona zâwk a nihzia hriatthiam fo a ngai. Joshua hnênah, *“Thû ka pe che a ni lawm ni? Chak tak leh huai takin awm rawh; hlau suh la, zâm hek suh: LALPA i Pathian chu i kalna apiangah i hnênah a awm zêl dawn alawm,”* tiin a sawi a (Josua 1:9). Kan hnêna awm zêl tiamtu hi kan thawhpui a ni a. Kan kalna apianga kala, kawng min kawhhuuha, rem min ruatpui zêl hi kan Pathian hian a inhuam reng a. Mihring finna leh theihna

hmanga cho rual loh hi amah nêchuan sut tlang zawh loh a awm si lo. Chhuan tùr dik hi a hmasa ber a nih chhúng chuan hma lam pan tura min hruai a tiam a ni.

Josua 13:1-ah vèk kan hmuh – *“Tin, Josua chu a lo upa a, a lo tar ta hle mai a; tin, LALPA chuan a hnênah, ‘I lo upain i lo tar ta hle a, ram lah chu lâk tùr a la tam mai si a,’* “ tiin. Kan thenawm hnai tak aṅanga India ram laili, ram dang thlengin ram lâk tùr a pung tual tual a. Hmâna kan hril tawh, hlawhtling taka kan lo beih tawhna chanchin ngaihnaawm tak tak te kalsana hma lam pan leh hi a ṅul. Paula nunah hian ‘Tawh’ tih a awm ngai lo va. Hma lam pan turing hnung lama thil awm a kalsan zêl tih pawh kan hria. Chhuang duh sela hahchawlhpuoi veng vengna tham chhuan tùr a nei. Nimahsela, chutah chuan duh tâwk mai lovin, Krista tán thawk tâwk a la inti lo. 1 Kor 9:16-ah, *“Chanchin Tha hril mah ila, chhuan tùr rêng rêng ka nei si lo, tih mâkmawh ka*

chungah a innghat a ni si a; Chanchin Tha hril suh ila, ka chung a pik dáwn si a,” a la ti cheu a ni.

Ringtu nunah kan thil tih tawh leh hlawhtlinpui tam tak hian hma lam pên thei lovin min siam fo mai. Rawng-báwltu hlawhtling, thawk hláwk leh hming tha taka hlen chhuak tawh nia inngaihna neih theih a ni. *“Hmânah nasa takin kan thawk tawh, hmânah chuan ka pe thìn, hmânah pawh kan hrilh tawh, hmâna kan tih tawh hnu a ni,”* tia a beidawng zâwnga thuthmun rem palh a hlauhawm a. *‘Vawiinah hian Krista tán eng chenin nge ka thawh? Vawiinah hian hma lam pan zêl tûr ka la awm em? Chanchin Tha hi tûnah hian eng tiatin nge ka buaipui?’* tia hma lam pan tûra ruahmanna thar neih hi Paula zia kha a ni tlat.

Hnung lama awm kal-sana hma lam pan thînte hian thawk tâwk an inti ngai lo va. Ni tin a tharin Lalpa tán bung thar an kai zâwk thìn a ni.

3. Lalpaa lâwm tlat nun:

Paula kha harsatna leh tihduhna kára lâwm nun nei tlat a ni a. Philipi khuuaa mite hnênah, *“Lalpaah chuan lâwm fo rawh u: ka ti leh pek thìn ang, lâwm rawh u,”* (Philippi 4:4) a ti. He thû hi hmun rálmuang aţanga ziak a ni lo va. Tihduhdah tuara a awm mékna Lung In aţanga a sawi ngat a ni. Mihring hun tawnah chuan lâwm loh ber hun lai, Pathian lakah pawh vui châkawm hun lai takah Lalpaa lâwm tlat tûrin mi dang a la fuih thei a ni.

Chanchin Tha hrilna kawngah hian mi mal, thawk ho leh kohhran thleng pawhin lungawi hlei thei lo a awm theih. Páwn lama fel leh that hmél tak pawh chhúngril lama lâwm nun nei thei lo, a rûka rawngbâwlpuite mai pawh ni lo, Pathian lakah hial pawh vui palh theih a ni a. Kan hriat fo ngai chu - Lalpaa lâwm nun nei thei lote Setanan a hre chat thìn hi a ni. Krista avànga lungawina nun nei tlat, Lalpaa lâwm te hi sualin tihngaihna a hre lo. Chutiang

mite chu tihduhdahna leh harsatna chi hrang hrang kárah pawh an nghîng ve ngai tlat lo. Setana hneh nán, ram lâk nán leh nunga rawngbàwl zêlna tùrin Paula pawh hian Lalpaa lungawi tlat hi hmanraw ñangkai takah a lo hmang tawh a. Philippi 4:12-13-ah heti hian a sawi chhonzawm zat a nih kha: *“Tlâwm taka awm dân ka thiam a, hausaa awm dân pawh ka thiam bawk a; thil tinréngah leh thil zawng zawngah tlai leh rilâma awm dân, hausa leh tla-chhama awm dân thurúk chu ka hre chhuak tawh. Mi tichaktuah chuan engkim ka ti thei a ni,”* tiin.

Pathian hian a laka mi lungawi lo leh lâwm nun nei thei lo lam hi a hawi ngai meuh lo. Malsàwm dawn cháng chauhva lâwm, chawimawi hlawhna hmuna a hming chhâla lâwm ñhînte chauh hi amaha lâwm nun nê chuan a inang ngai lo va. Thuthlung Hlui lama kan hmuh chu, Nehemia 8:10-ah, *“LALPA chung a lâwmna chu*

in chakna a ni si a,” tiin kulh chhe tawh tùn din leh nán pawh Lalpa chung a lâwmna hi hmanraw hriam ber a nihzia kan hmu a ni. Jerusalem kulh chhe tawh Nehemia hova tun din a nih leh dáwn khán Israel fate kha Lalpa chung a lâwm tlat tùra fuih an ni.

Kan rawngbàwlna pêng hrang hrangah lâwmna tùr a awm rualin, lâwm duh lo tán pawh lungawi lohna tùr a awm tel zêl. Kan rawngbàwlsak te lakah ringawt pawh sawi tùr a awm ñeuh. Tùnah tak phei chuan ram rorèlna ñhenkhat leh sakhaw dang zuitute chêtvel dânah dem tùr, lâwm lohna tùr a tam tual tual a. Hêng hi Setana hian thiam takin hmanruaah a hmang zui fo lehngghâl. Min tírtu tîrh chhan lam aiin tute emaw dema mihring taka beih lêt ve duhna a hring chhuak duh khawp.

Hetiang boruak, hma lâk dân tùr pawh hriatthiam har tak leh thinrim ñeuhna tùr awm kárah hian keimahni lam erawh Lalpaa lâwm tlat a ngai

thung si. Kraws-ah pawh khán khéng bettute khân Isua kha cho chhuah an tum nasa hle a nih kha. A tàwp thlengin an hlawhchham tih erawh kan hria. Keini pawh khawvêl mite leh Isua ringloten min cho chhuah bâkah an hmanraw neih that ber ber hmangin min bei lêt mah se, Paula anga Kraws-in a chin ral leh, chu chauh chu chhuanga he Chanchin Tha hi kan hril zêl a ngai ang. Chutah chuan Rom Sorkar pawh lo hnehtu he thiltihtheihna hi khawvêl hian a tharin a hre zêl dáwn a ni.

Paula khân Kraws chauh a chhuan thú a sawi a, theih tàwp chhuaha a beih tawhna lam aiin hma lam pan zêl tûrin

a inbuatsaih tlat a. Harsatna leh tihduhdahna kárah pawh Lalpaa lâwm tlat nun nei tûrin min fuih bawk a ni. Hei hian Krista ram zauhna tham thiltihtheihna a nei a. Eng ang pawhin hmélmapa hi rawn inhàm puar thìn mah sela, a tláwm zâwkah a tang leh tho thìn. Ringtute hian kan hmanraw neih, tha leh tangkai tak tak te hi thiltihtheihna nèn kan hman thiam tial tial a ngai bawk a. A hmangtu nunah Lalpa a awm chhúng chuan zâm tûr kan ni lo ang. Pathian hnên ata kan neih ngei hmang thei tûra rál rèl thiam deuh deuh pawh a ngai a ni.

Lalpan a thú malsàwm rawh se. Amen.

SÀWMNA

Ni 2-4.8.2024 (Zirtàwpni-Pathianni) hian Harhna Inkhâwmpui Vawi 10-na Saron Veng Kohhran Biak Inah neih a ni dáwn a. Synod Moderator, Senior Executive Secretary leh Synod Revival Speaker ten thupui an sawi ang. Kohhran mi zawng zawng tel tûrin kan sáwm a che u. Thupui : "NUNNA CHU THLANG RAWH U" (Deut 30:19)

SYNOD REVIVAL COMMITTEE

BUH HMUN AṬANGIN BOLIVIA RAMA KAN RAWNGBÀWLNA

Albert Kawldingliana

Bolivia, S. America

Whatsapp No: +59173761263



Bolivia-a Pathian rawng kan bàwlna hi kum 10 a lo pum ve dáwn ta reng mai. Kohhran miten an lo hriat atán Synod Mission Board-in Bolivia rama kan kan chhúngkua min tirh chhuah dân te; kan rawngbàwl dân tlángpui te leh kan awmna ram chanchin te tlém azáwng han tár lang ila, a thain ka hria.

1. Bolivia rama kan rawngbàwl tan dân: Bolivia-ah hian Synod Mission Board leh SIMNEI (*Serving in Mission North East India*) thawh dunna hnuai tirh kan ni a, kum 2014 June thla khán kan thleng thla ve a ni. Bolivia-a kan kal hma hian kan nupain Synod Mission Board hnuai missionary-in Kandhamal district (Odisha)-ah kan thawk ve thìn a. Chuta tâng chuan hotuten min la chhuakin, Bolivia-ah hian min tír ta a ni.

2. Bolivia ram, a mi chêngte leh an tawng: Bolivia ram hi South America khawmualpui laili taka awm

a ni a, tuiptui kam nei ve lo (*landlocked country*) a ni a; ram hrang hrang - Peru, Brazil, Paraguay Argentina leh Chile ten an hual a ni. Bolivia ram leilung hi then thumin sawi a ni a, chùng te chu - Andes Mountain range te, Amazon Rain Forest te leh Altiplano tih te an ni.

Hêng avàng hian a ram boruak pawh a inang lo hle - Andes Mountain Range lam chu hmun vawt leh ro tak a nih laiin, Amazon Rain Forest lam chu hmun lum, uap leh ruah tamna a ni a; Altiplano chu boruak lum lutuk lo leh vawt lutuk lo, mahse ruahtui tlém lam a ni ve thung.

Bolivia-a mihring chêng te hi Aztec (Red Indian) thlah kal zêl te an ni a. Hnam hrang hrang 36 vêl awmin hnam lian zualte chu - Quechua te, Aymara te, Guarani te, Chiquitano te leh Moxeños te an ni. Hêng hnam hrang hrang te hian ɽawng hrang nei mah se Spanish awpna hnuaiia hun rei tak lo awm tawh ɽhìn an nih avàngin anmahni hnam bil ɽawng chu la awm tho mah se, thingtláng kil deuh lovah chuan Spanish ɽawng an hmang vek a ni.

Bolivia-a mihring chêngte hi chi thumin an ɽhen a, chùngte chu European (Spanish leh Spanish ni lo Sâp dang - 8%) thlah kal zêl vun ngoho te, Native Aztec (Red Indian - 20%) thlah kal zêl leh Mestizo (Vun ngo leh A ram mi (*native*) inthlah pawlh - 70%) te an ni. Vun ngo leh vun sen hàng deuh zâwnga inthliarna a nasa hle ɽhìn a. Vun ngo (mi tlém zâwk) te hian rorèlna fawng chelh ɽhìnin, a ram mi thlah (a vun hàng) kal zêl te an lo tirethei rei tawh hle a lo ni a.

Chuvàng chuan kum 2006-a a ram mi President a nih aɽangin a ram mite dinhmun a ɽha chho ve niin an sawi a. A ram mi lam dinhmun te a han ɽhat deuh aɽang hian a ram mi thlah lam hian *Politics*-ah chan chhe leh tùr nia an hriat chuan buaina siam an inpeih reng a; buaina liantham leh tê deuh te siam rengin, kawngpui dan (*block*) leh police/sipai nèna inbeihna te a thleng zauh zauh reng a ni.

3. Bolivia kan thlen thlâka kan thil tawn ɽhenkhatte: South America ram awmhote hian Spanish ɽawng hi an ram ɽawng (*National Language*)-ah an hmang deuh vek a; chuvàng chuan Spanish thiam loh chuan Latin America (South America leh Central America) ramah hian zin a lo buaithlâk hle a ni tih te kan hmu a ni.

Bolivia hi Spanish ɽawng kâwi khat pawh thiam lova thleng thla ve râwih kan ni a. Bolivia panna (South America khawmualpui chhúng) kawngah pawh harsatna kan

tâwk ve nual a ni. Bolivia ram chhúng kan luh chiah pawhin *Interpol Police* lamin zanlai dár 12:00 aţanga zing lam dár 3:00 vêl thleng chu an *interrogation room*-ah min hruai hrangin zawhna chi hrang hrang Spanish-in min zâwt a; mahse thu sawi inman thei lo khawpin Sâp  awng k wi khat pawh an thiam b k lo va. Hetiang hian Bolivia-ah hian rawngb wl t rin ram leilung rapin bul kan  an ve a ni.

Bolivia hi *Democracy* ram ni lovin *Socialist (Communist lam  wn)* ram a ni a. Sawrkarna fawng chelhtuten an *Political Party* t na  a t r nia an hriat chuan an duh hunah an ram D npui (*Constitution*) pawh an thl k mai a. Chuv ng chuan Missionary t n pawh fimkhur a ngaiin, rawngb wlna thlengin harsatna te a awm ve  in a ni.

4. Bolivia ram leh Kristianna: Bolivia ram hi *Internet* aţanga han en thuak chuan Kristian *percentage* s ng tak mai a ni a. Mihring 90% chuang hi ‘Kristian’ tia

chhinchhiah a ni a. 9.3% chauh Kristian ni lo, Pi leh pu te sakhuana (*Incan Religion*) la vuan anga chhinchhiah a ni.

Amaherawhchu, Protestant (Evangelical tiin an sawi)-ten Bolivia ramah hian Roman Catholic-te hi Kristian-ah an lo chhiar duh hauh lo mai a, kan hriat tirh pheii chuan mak kan ti hle a ni. Roman Catholic te hi Kristian tia chhinchhiah zingah chuan a lian ber a. Kristian awm zawng zawng 70% hi Roman Catholic an ni a, Protestant/Evangelical te hi 17% chauh an ni.

Roman Catholic te hi Protestant/Evangelical-ho hian ringtuah an lo pawm lohna hian chhan th k tak mai a lo nei a, a chhan  henkhat han t r lang ta ila: Roman Catholic Kohhran te hian *Incan Animistic religion (Inca pi leh pute sakhuana)* chu nasa tak maiin Roman Catholic Kristianna chh ngah hian an lo chhawm l t a. Pachamama (*Inca pi leh pu te sakhuanaa Lei Nu (mother earth)/khuanu*

pathian an tih mai) hnêna inthâwina thlengin Roman Catholic hian a pawmsak a ni. Tin, Pachamama hi Mari (Isuanu) nêna khaikhin leh chawhpawlh a ni bawk a. Chuvàng chuan Bolivia chauh ni lovin, South America chhúnga Catholic Kristianna hi hmun danga Catholic-te pawhin an hrethiam lo hle a ni.

Bolivia ramah hian khawpui pathum - La Paz, Oruro leh Potosi-ah te thil hlu lai chhuahna (*Mines*) a awm a. Chûnga thawk thìn, lei chhúnga aţang thil hlu - *silver, zinc, lead* etc. te lai chhuak-tute zingah phei chuan Pi leh Pu sakhuaana aţanga kal zêl ngaih dânin zung a kaih thûk hle a, chu rin dân chu Roman Catholic Kristianna-ah pawh telh chhunzawm zêl a ni.

Han sawi fiah deuh ila. Roman Catholic Kristianna luh hma hian *Inca* sakhaw an bia a. *Inca* sakhuaanaah huai tam tak awmin an ring a. Chûng huaite lalram chu lei chhúnga niin an hria a; lei páwnah chuan Pachamama

(an pathiannu/khuanu) hnênah malsawmna te dîlin an inthâwi thìn a ni. Roman Catholic Kristianna-in Bolivia-a luh hnuin, lei chhúnga huai chu ‘Setana’ tia thlâk a ni a. Lei chhúnga chuan a lal ber a, Pathian pawhin lei chhúnga hian thil a ti thei lo nia rin a ni. Lei páwn lamah chuan Pathian a lal ber a, Setanan lei páwn lo chhuah a tum chu Mi thianghlim Bartholomaian a lo hneh a, lei chhúnga nawr luh a ni tih hi an rin dân bawk a ni.

Hêng avàng hian *Miners* rêng rêngin lei chhúnga an luh hian Setana (Spanish chuan ‘El Tio’ an tih Mizo aţawng chuan a awmzia chu ‘Putea’) lim an siam hnênah tlawn lungawi nán cigarette, coca hnah (*Cocain drugs* siam nána an hman) leh zu te an hlan a, hun bîkah chuan ran thisen hmangin an inthâwi bawk a ni. Lei chhúnga lût rêng rêng, ringtu an ni emaw ni lo emaw, Setana hnênah hian inthâwi vek tûra beisei an ni a. Inthâwi duh lo an awm chuan lei chhúnga *accident*

thleng te chu anmahni vanga puh thin a nih avangin a inthawi duh lo te nunna atan thlengin a hlauhawm thei bawk a ni.

Heng *miner* te hian lei chhunga hna an thawh chhung hian El Tio Religion (Setana biakna kohhran)-ah an tel vek a. Lei pawnsah erawh chuan Roman Catholic emaw, Pi leh Pute sakhuaanaah emaw an awm leh mai bawk a. Hei hi Roman Catholic Puithiamte pawhin an pawm vek a ni.

Roman Catholic sakhuaana hian Bolivia-ah hian *Inca* sakhuaana an inthawina an seng lut hnem hle mai a. Ni pathian (*Sun god*) '*Inti*' an tih chu 'Pa Pathian' an ti a; Pachamama (Pathiannu/ Khuanu) chu 'Mari,' an ti bawk a. Thla pathian (*Moon god*) an biak thin te nen, pi leh pute huna an inthawi thin dan kha Roman Catholic chhungah hian kalpui zelin, an la inthawi ta zel a ni.

Roman Catholic Kohhran ten an chawhpawlh nasat

avang hian Bolivia Protestant Kohhran pawl reng reng hian Roman Catholic te chu ringtuah chhiar lovin an thiltih reng reng, entir nan - Good Friday, Easter Sunday, Krismas lawm, etc. te an hnawl fai vek a, ringtu Kristian tak tak te tih ve turah pawh an ngai lo hial a ni.

5. Kan rawngbawl dan tlangpui: SIM (*Serving in mission*) chuan missionary thar reng reng ten an rawngbawlna hmun tur an thlenin tawng zir turin an ti thin a. Chuvang chuan keini nupa pawhin Spanish tawng zirin bul kan tan ve a ni. Pathian khawngaihna zarah kum khat leh thla khat Bolivia- a kan awm atangin Spanish- in Pathian rawng kan bawl tan a. Kan rawngbawlna hi a tlangpuiin thalaite zinga rawngbawl te (*Discipleship*), Kohhranho zinga thu hril leh zirtirna pek te (*Missions Mobilization*), Kohhran din (*Church Planting*) te leh SIM Mission chhunga mawhphurhna kan neih kan thawh thin te a ni.

6. Potosi khawpuia rawngbàwlna: Bolivia kan awm tìrh hian Potosi khawpuiah kum khat chhúng kan chêng ve a. Amaherawhchu, Potosi khawpui hi tláng sáng tak maia awm niin tuipui zàwl (*level*) aṭang chuan Feet 13,000-a awm a nih avàng leh ka hrisèlnain a zawh loh avàngin Cochabamba khawpuiah kan insawn leh a, tûn thlengin Cochabamba-ah hian kan khawsa ta a ni.

Potosi khawpuia kan chèn chhúng hian ka nupui, Sangpuii hi SIM *Clinic*-ah Doctor niin, hna a thawk a. He *clinic* hian a tum ber chu Potosi khawpui leh a chhehvêla mite a theih ang anga damdawi thiamna hmanga Chanchin Ṭha lo hrilh bâkah *Miners*-ho zínga Chanchin Ṭha a theih ang anga hrilh a ni.

Potosi-a kan awm chhúng hian ṭhalai te leh kohhran páwl hrang hrang - Hermanos Libre Kohhran te, Asambleas de Dios Kohhran te leh Union Cristiana

Evangelica (UCE) Kohhranho te kan thawhpui. An ṭhalaiho te Bible zir (study)-puiin, an Camping-ah te Speaker-ah te kan ṭang a, kohhran páwl hrang hrangah thu hrilin kan kal bawk ṭhìn a ni. Hêng bâkah hian Pastor-ho zíngah *Mission course* VAMOS te kan zirtír bawk ṭhìn a ni.

7. Missions Mobilization lama rawngbàwlna: Bolivia-ah hian kum zabi 16-naa Spanish-in Bolivia ram a awp aṭangin Catholic Kristianna a lût tawh a; Protestant Kristianna erawh chu 1927-ah a lût ve chauh a ni.

Bolivia-ah kohhran hrang hranga thu hril rawngbàwlna kan han neih ve ṭan hnu hian Kohhran mi ṭhenkhat ten Pathian ram rawngbàwl hna hi an tih tùrah an ngai hauh lo a ni tih te, an rama mi dangte Chanchin Ṭha hrilh chu Missionary ram dang aṭanga lo kal te tih tùra an ngaih thu anmahni ká ngei aṭangin kan hre ṭhìn a. Chuvàng chuan anmahni mi

te hnêna Chanchin Ṭha hril an vei theih nán leh Kohhran-ho ten ramthar ngaih pawimawh theihna tùr (Missions Mobilization) thawkin kohhranhote kan zirtír ṭhìn a ni.

a) Kohhrana Missions Mobilization kan thawh dân: Bolivia-ah hian Protestant Kohhran páwl hrang hrang - *Union Cristian Evangelica* (UCE) kohhran, *La Iglesia Bautista Boliviana* Kohhran, *Asambleas de Dios* Kohhran, *Hermanos Libres* Kohhran leh *Santidad* Kohhran te kan thawhpui a. ‘*Missions Mobilization*’ tiin State pariatah rawngbáwlin kan zin ṭhìn a ni.

Kohhran te hi Ramthar rawngbàwl hnaah hian an chak lo ve hle ṭhìn a; chuvàng chuan Ramthar rawngbàwlna lama ṭhahnemngai zual Pastor te thawhpuiin ramthar rawngbàwl pawimawhna te kohhran mite zingah kan sawi ṭhìn a. Chu bâkah *course* hrang hrang - VAMOS Course te, ENVOY Course te leh RUMBO Course te hmangin kan zirtír bawṭ ṭhìn

a ni. Hêng bâkah hian Kohhran páwl hrang hrangin *National Missions Conference* an neihah te min sáwm ve ṭhìn a. *Speaker*-ah te ṭangin kan zin chhuak bawṭ ṭhìn a ni.

b) Mission Sikul hmanga Missions Mobilization: Kum 2018 kum aṭang khán Mission sikul ECAMM (*Escuela de Capacitacion Misionera Mundial*) kan tihah kan nupain kan tel ve ṭan a. Bolivian nupa, American Missionary nupa, leh Australian Missionary nupa te kan thawhpui a ni. ECAMM-ah hian zirlaite *theory* zirtír bâkah *Practical* an tihna hmun te kan tlawh bawṭ ṭhìn a ni.

ECAMM *Mission* sikul hian Misisonary nih duh ṭhalai te hnênah kum thum chhúng chawlh lailawṭ awm lovin *training* a pe a ni. ECAMM *Mission* sikulah hian Bolivia ṭhalai mai ni lo - Peru, Argentina, Paraguay leh Brazil-a mite pawhin an lo zir ve ṭhìn. ECAMM-ah hian zirlai te hian thla hnih chhúng *theory* zirin, chumi zawhah

thla li chhúng *practical* neiin, Bolivia thingtláng hmun hrang hrang bâkah Bolivia thenawm ramah te an kal thìn a. An *practical* tihnaah hian Missionary angin *direct evangelism* te tiin a t̄l̄na hmunah Kohhran enkawl hna te an thawk bawk thìn a ni.

c) Pastor leh Kohhran hruaitute zínga Missions Mobilization: Nikum 2023 kum t̄r lam aṅang khán Pastor, kohhran enkawl lai nei nupa tuak pahnih ten missionary-a chhuah an duh avàngin missionary puitling an nih theihna t̄r (*Mentoring*) kan neihpui ṅan a. Chu bâkah hêng pastor pahnihte hian an kohhran enkawl nikum kum t̄w̄p khán chawlhsanin missionary t̄rin an inpuahchah a.

Hêng Pastor te tán hian kohhranah a theih angin ṅanpuina kan d̄lpui bâkah Pastor leh kohhran hruaitute inkawm hona te neihpuiin ṅawngṅai leh sum leh paia an puihna kan d̄lpui bawk thìn a ni.

8. Kohhran Phun (Church Planting): Kohhran phun hi keini nupa chuan kan kut bil chuan kan la nei lêm lo va; mahse, Bolivian thenkhat te thawhpuiin an kohhran din te kan pui ve thìn.

Nikum 2023 kum t̄r aṅang khán Bolivian Pastor pakhat nèn Quenamari khuaah *church planting* kan ṅan a; member 30 v̄l̄ neiin, kár tin inkhâwm leh *discipleship training* te kan neihpui thìn. Nikum kum t̄w̄p lam khán an khawtlángah buaina nasa tak an nei a. Chuvàng chuan ringtu tam takin an chhúngte (Kristian ni lo) v̄ngin Fellowship an lo b̄nsan avàngin kan buai ve hle a, hma thar lâk kan tum mék a ni.

9. Discipleship - Ṽhalai-te zínga rawngb̄awl̄na: Kan rawngb̄awl̄na pawimawh tak mai pakhat chu ṅhalai te zínga kan rawngb̄awl̄na a ni. South America ṅhalai te zíngah mipat hmeichhiat hman sual a nasa hle mai a. Chuvàng chuan ringtu ṅhalai ten Isua zuitu ṅha an nih theih nán te leh mi

dangte pawh Lal Isua lama an hruai theih nân te kan zirtír thìn a ni.

Hei bâkah hian UCE kohhran páwl thalai thenkhat te leh *La Igelsia Bautista* Kohhran páwl thalai thenkhat te chu ramthar rawngbàwl pawimawhna te zirtírin, *direct evangelism* neia khawlaia mi dangte Pathian thu hrilh dân kan zirtír bawk a ni.

10. Kan rawngbàwlna péng thenkhat, kan chhunzawm tawh lohte: Nikum hmasa 2022 kum tàwp thleng khán *San Simon University (Agriculture Dept.)*-ah kár khatah vawi khat rawngbàwlna kan nei thìn a ni. *University* thu neitu lamin rawngbàwl min phalsak loh avàngin an *professor* pakhat kal tlingin a *class*-ah rawngbàwlna kan nei thìn a. Amaherawhchu, hotu (*administration*) lam aţang te leh thil hrang hranga harsatna a tam chhoh avàngin *University* lam hi kan tàwpsan hrih a ni.

Kum 2019 khán Bolivia-

ah hian Venezuelan rátlân tam tak an lo lût a, nunau ei leh in tùr pawh nei lo leh khawlaia te riak an nih avàngin an khawngaihthlâk hle a. Pathian hnêna kan ţawngţaisakna aţangin Pathianin Chanchin Tha hrilh tùra min ti nia kan hriat avàngin an zíngah hian rawng kan bawl a. Venezuelan tam tak ei leh in tùr bâkah kan sum neih ang chhhun chhuna ţanpuin chhandamna thu kan hrilh a. Biak In thleng ngai lo te an nih avàngin Bible Study te neihpuia Kohhran din hial kan tum hman laiin *Covid lockdown*-in kan thil tum te min thulhtír a ni.

Covid lockdown lai kha an tán a buaithlâk hle a, kut dawha khawlaia ei leh in zawng an nih avàngin ei tùr te an nei lo va; chuvàng chuan ei leh in tùr, an damdawi inenkawlina te leh *room* luah man te pêksakin kan theih angin kan pui bawk a ni. Venezuelan zínga kan rawngbàwlina hi kum 2021 thleng kan thawk a; kum 2022-ah chuan Bolivia-ah

hmuh tūr an awm tāk meuh loh avàngin an zínga rawng kan bàwl òthin pawh kan titàwp a ni.

lo kal te a lo buaipui òthin a; tin, *Health Coordinator* a nih angin kan Mission chhúnga hrisèlna lama harsatna nei te a buaipui òthin bawk.

11. SIM Mission chhúnga kan mawhpurhna: *SIM International-a ka rawngbàwl*na: SIM International Board of Governors-a *member-at-large* (kum li chhúng) atán January 2024 khán thlan ka ni ve hlah mai a. Kumin aṅgin *Meeting*-ah te telin SIM *Organization* chhúnga ka mawhpurhna te ka thawk ve a ni.

A tàwp berah chuan tūn thlenga Bolivia-a Pathian rawng kan bàwl theihna chhan hi Kohhran mite vàng liau liau a ni a. Harsatna te han tâwk òthin mah ila, in mi ṭawngṭaipuina ten min khai chhuak fò òthin a ni. Bolivia-ah hian keini chhúngkua chauh kal kan niin kan inhre lo va, kam ke pènna apiangah te, Bolivian-ho Pathian thu kan hrilhna leh kan zirtūrna hmun - *Andes Mountain Range*-ah te, *Amazon Rain Forest* lamah te, *Altiplano* lamah te hian Kohhran mite nèn ke kan pèn tláng zêl a ni. Lalpa ropui nán i thawk ho zêl ang u. Lalpan in zavaiin malsàwm che u rawh se.

12. SIM Bolivia-a Sangpuii rawngbàwlna: Dr. Lalsangpuii hi SIM Bolivia-a *Leadership (Administration)*-ah 2020 aṅga tel ṭanin, SIM Bolivia Board-ah pawh a *term* hnihna a hmang mék a ni. Sangpuii hian Missionary (*Short term* leh *Long term*)-a

SYNOD MISSION BOARD HNA PUI PATHUM

1. Chanchin Ṭha Hril (*Evangelism*)
2. Kohhran Phun (*Church Planting*)
3. Kohhran Enkaw (*Pastoral Ministry*)

Ringthar siam te, kohhrana hui khâwm te leh enkaw puitlin te hi SMB chuan hlamchhiah bîk emaw, uar bîk emaw nei lovin hna pui berah a neih a ni.

TUMPANGLUI FEH CHHUAH CHANCHIN

LH. Ngaibnemi, Headmistress
LMS Persang, HM North
Mobile No: 8731016430



Ni 19 – 21 March, 2024 chhúng hian Lilabon Memorial School, Persang-a Evangelist Teacher te chu Tumpangluiah Chanchin Ṭha hrilin kan feh chhuak a. Thawktu leh naupangte nèn kan vaiin mi 13 kan thawkchhuak a. Tumpanglui hi Home Mission North huam chhúnga awm niin, Bru khua a ni.

Persang aṭangin zing dár 9:00-ah chhuakin tlai dár 5:00-ah Pathian hruainain tuang takin Tumpanglui kan thleng. Evangelist, Pu C. Lalnuntluanga te chhúngkua leh Kohhran Upa ten min lo dawngsawng a, kan hlim hle.

Ni 19 (Thawhlehi) zàn aṭangin Pathian thu puan chhuahna leh *film show*-a hun hman a ni a. A tûk zingah Kohhran in kan tlawh kual a. Chhún lamah damlote tána a thlawná inentírna leh hrisèlna chungcháng inzirtírna te neia hun hman chhonzawm leh a ni a. Zàn lamah Pathian thu puan chhuahna leh *film show*-a hun hman chhonzawm a ni. A tûk ni 21.03.2024 zingah kohhran in kan tlawh

chhonzawm leh a. Chhún lamah Compound hungna tûr mau puin ram lamah kan feh chhuak thung a. Zànah Pathian biak inkhâwm leh *film show* te neih leh a ni.

Tumpangluia kan feh chhuak hi a hlâwk kan ti hle. Kan programme - Home visit, Film Show, Free Clinic leh Inkhâwmna hun kan hman te hi khawtláng mipuiten min hlutsak hle. Tîsâ leh thlarauvah malsàwmna kan dawng nasa hle.

Pu C. Lalnuntluanga te chhúngkua leh an Kohhran Upa te ṭhahnemngaihna leh an inpêkna a hlu tak zet a ni. Lalpan malsàwmin, hruai zêl rawh se.

SHORT TERM MISSIONARY-A KALNA REPORT

L.R. Ruata

Ramblun Vengchung

Mobile No: 8415007402



- Kal hun chhúng - Ni 31.1.2024 - 2.4.2024
 Mission Field kalna - Arunachal & Assam Mission Field 'East', 'North' & 'West'
 Hnathawh/Kal chhan - Mission Field mamawh *Sign-board* chi hrang hrang ziah hna thawk tùrin.
 Sponsor-tu - Synod Mission Board

Hun pum (*Full Time*)-a Missionary-a inpe ve thei lo te tán pawh hun rei lo deuh zâwk (*Short Term Missionary*) atána inpêk/thawh theihna dàn SMB-in a lo siam hi a òa hle mai a. Pathianin a rawng báwl tùra thiamna/*talent* min pèk thil chi hrang hrang te Ramthar Field-a rawngbàwlna atána òangkai tùra thawh ve theihna hun òa min petu Pathian hnênah làwm thu ka sawi a ni.

hian ka kal ve thei hlauh a ni. Ni 31.1.2024 (Nilaini)-ah Aizawl àtanga Network Bus-a chhuakin ni 2.2.2024 (Zirtawpni)-ah Arunachal & Assam Mission Field East, Field Secretary awmna Kharsang chu tluang takin ka thleng a. Field Secretary-te chhúngkua leh Missionary òenkhatin hlim takin min lo dawngsawng a, ka làwm hle a ni.

Kal dàn/hnathawh dàn: Hnathawh lai (Office duty) chawlh (Earned Leave) thla hnih chhúng ka dí a; kan puten min lo phalsak avàngin hemi hun remchángang hmang

Ka hnathawh dàn tùr hi Field Secretary pathumten anmahni Field chhúng òeuhva hnathawh tùr tam dàn azirin fel takin an lo ruahman làwk vek a. Kohhran hnuaia Mission School hrang hrang

leh Biak In/Preaching Station (khawpui leh thingtláng)-a *Signboard* nei lo, ziah ngai a lo tam êm êm mai a. Chutiang ziah hna chu a remchàn dàn ang angin ka thawk ve char char a ni ber mai a.

Gate lian tak *cement*-a siamah te, rangvaah te, Sikul bangah te, Biak In bang/hma lamah te, làwn ngai, awlsam taka thawh zung zung theih loh chi te a ni nual a. Thênkhat chu rangva lei chawpa, a *frame* siam chawp te a ngai bawk a; hmanh-mawha tih thuai thuai theihte a lo ni lo bawk a, thawh tam a har khawp mai. Hetih hun lai hian Arunachal-ah ruah a súr duh khawp mai a, heti chung hian hna chu ka thawk tam ve viau mai a, ka làwm khawp mai.

Signboard ziah zât:

Arunachal East	- 10
Arunachal North	- 20
Arunachal West	- 6

Hna thawh tam a harna chhan pakhat chu khaw inkár hla tak takah te kal a ngai a.

Kal chhúng a rei bâkah hmanrua ngaihtuah chawp te a lo ngai thìn bawk a. Ruah súr kárah rem lo tak taka thil ngaihtuah chawp ngai te a tam a. Hetiang a nih avàng hian Pastor Bial eng emaw zâta hnathawh tùr, thawh hman loh a la tam mai a; ka hun neih a tlém si a, ka haw a hun tawh avànga ka kal hman lohna te rilruah a awm reng mai a, pawí ka ti hle a ni.

Arunachal & Assam Mission Field-a ka awm chhúng hian Field Secretary te leh Missionary ten ka mamawh apiang min ngaih-tuahsak zêl a. Ka kal duhna apiangah anmahni motor-in min hruai a, thlen in nuam tak tak (Pastor/Headmaster/Missionary quarters)-ah te min thlentir zêl a. Ei leh inah te min duhsak a, chaw eia min sáwmtu tam tak an awm a, thilpêk/làwm thu sawina tam tak min pe a. Ka hmuh ngai loh thil tam tak te ka hmuh phah a. Ka dam chhúnga ka theihnghilh tawh loh tùr thil tam tak ka tawng a, vânei ka inti hle a ni.

Chawlhni vawi kua ka hman chhúngin thu sawina te hun min pe a. Thuchah tâwi sawina hun min pe a, thawh-lâwm hlântuah te min sáwm thìn a. Pastor Bial inkhâwmpuiah Palai ni sa (*Delegate*) atán min ruat ve a. Inneihnaah te, Kohhran Upa thlannaah te, *Craft Centre* hawannaah te, *Birth Day* lawmnaah te, *Church Leaders Seminar*-ah te hun remchàn dàn azirin min teltir ve zêl a. Ringtute in tlawhna leh feh chhuahna (*Home visit/Prochar*)-ah te kan kal tam khawp mai. Arunachal mite hi mi nêlawm leh hawihháwm, zakzum lampang an ni tlángpui a, an bula awm pawh a nuam hle a ni. Hêng ka thil tawn zawng zawng hi Pathian khawngaihna a bika ka chan ve a ni a, ka lâwm tak zet a ni.

Lalpa tána rawngbáwl tûra pên chhuah hi thil buaithlâk leh chàнна, retheihna tûr emaw tih a awl hle a. Mahse, a lo ni hauh lo mai! Short Term Missionary hnathawk tûra ka kal hma aṅgingan kan Kohhran mite a

hria apiangin min duhsakna thu an sawi a. Upate kan inah an lo léng a, ṭawngṭaina hun an rawn hman a. Kohhran Hmeichhe Hruaitu te, Kohhran Pavalai hruaitu te lo kalin, ṭawngṭaina leh thilpêkte min rawn pe a. Hetiang thil te hi kan chhúngkua chuan kan beisei phâk hauh loh thil a ni a, a thlamuanthlâkin kan lâwm tak zet a ni.

Tin, SMB-in làwmman, TA/DA te min pe a. East Field Secretary, Rev. R. Vanlalruatan a ṭûl apiang ka haw lehna tûr thlawhna (*Indigo*) Ticket thlengin min tihfelsak vek a, ka va lâwm êm! Tichuan, Itanagar-ah Tumkau Ni leh Good Friday hlim takin kan hman a. Heta ka awm lai hian ringtu chhúngkaw pakhatin an vawk vulh lai Missionary-te ei atán an pe tawp mai a; a hma pawhin he mite hian vawi hnih an lo pe tawh a, an ti ropui hle a ni.

Tumkau Ni hian chawhma inkhâwm bànah kawng kan zawh a, hei hi

Itanagar-a Tumkau Ni kawng zawh kan neih vawi khatna a ni e, an ti. Hetiang huna ka tel ve thei hi vânei ka inti hle a ni. Easter Sunday chu Guwahati-ah ka hmang a. Mizo Kohhranin Biak In thar ða deuh mai an lo nei tawh a; chawhnu inkhâwm bânah tlai thim thlengin kan léng

khâwm a. Hetah hian thu sawina hun te min pe a, ðhalai te an tam a, Easter Sunday chu hlim takin kham lo takin kan hmang a ni.

Tichuan, April ni 2-ah Indigo Air-in Aizawl chu Pathian hruainain dam takin ka lo thleng leh ta a ni.

ENGKIMIN AN ÂWĪH ṬHÌN

Nu rethei tak pakhat hian *Radio Station* kal tlingin *phone* hmangin Pathian hnênah ðanpuina a díl a. Pathian awm ring lo, pa hausa tak pakhat hian a lo ngaithla fuh hlahu mai a; chu nu chu fiamthu thawh nána hman a tum ta a.

A *Secretary* a ko va; ei tùr tuihnai tak tak ðhahnem tak hi chu hmeichhe chènna hmuna va dah tùrin a tír a; chu nuin khawi aṭanga chûng thil chu lo kal nge tih a zawh chuan Setana pêk a nih thu hrilh tùrin a chah bawk a.

Secretary-in a thil ken a va pêk chuan chu nu chuan, “*Lalpa, ka lâwm e,*” tiin Pathian hnênah làwm thu a sawi a. *Secretary* chuan, “*Hêng hi khawi aṭanga lo kal nge tih i hre duh em?*” a han ti a.

Chu nu chuan, “*Duh lo ve. Pathian chuan a duh duh a tír thei. Setana pawh tír sela, min rawn pe mai ang,*” a lo ti awlsam thên a.



RAMTHAR FEH

I.

1. **Field hming** : Home Mission North
2. **Khua** : Nalzawl
3. **Tlawh hun** : Ni 21-25 November, 2023
4. **Tlawhtu** : Ramhlun Vengthar Koh RT Comt.
5. **Kal zât** : 24
6. **Tlawh chhan** : Hna thawh & Crusade
7. **Hna thawh** : Kohhran Vestry (Ft 30x12) sak

8. **Lâwmawm lam:** Nov ni 21-ah chhuakin ni 25 (Zirtawpni)-ah kan thawh tùrte tuang taka thawk zovin kan haw leh a ni.

Ni 22.11.2024 ah zing kár atanga thawkin thing nawh ngaite nâwtin a ban, a liang, bangrel leh *purlin* te kan vuah zo va, a *skirting* pawh eng emaw zat kan rem. Ni 23.11.24-ah a *skirting brick*-te rem zovin, a bang *tile* kan bel a, a chung rangva kan chih zo bawk. Ni 24.11.2024-ah kawngkapui te, tukverh te, Ventilation te kan vuah zo va. *Electric* engkim *fit* zovin chawhnu lamah a chhuat PCC-in kan chhûng leh a. Tlai lamah a *plaster* kan thawk leh nghâl a. Tuang taka thawkin, ni thum chhúngin *Vestry* tha tak kan sa zo thei ta a ni.

Vestry sakna hmanraw tûl zawng zawng hi kan Kohhranin a tum a. Nalzawl Kohhran mamawh êm êm Pathian zâra kan sa thei hi kan lâwm êm êm a, tângkai taka an hman ngei kan beisei a ni.

Work Camp neih chhúng hian zàn lamah ni 22-24 (zan thum) *Crusade* neih a ni a. Speaker chu Pu R. Lalthawmliana a ni. Pu R. Lalthawmliana hian kohhran mamawh leh fuihna thu tha tak tak a sawi a, Kohhran mipuiin an hlâwkpuin an kham lo hle.

R. Lalrinnggheta, Ramthar Ziaktu

II.

1. **Field hming** : Cachar Tlangram
2. **Khua** : Manikbond
3. **Tlawh hun** : Ni 11-14.3.2024
4. **Tlawhtu** : Tlangnuam West Kohhran
5. **Kal zât** : Mipa – 17; Hmeichhia – 8
6. **Tlawh chhan** : Hnathawh
7. **Hnathawh** : Kohhran Hall *ceiling* (Ft 30x20) siam
8. **Sum hman** : ₹ 11,865

9. **Làwmawm lam:** Ni 11 (Thawhtanni) zing dár 6:35-ah Ramthar Chairman, Upa Vanlalngaiian tawngtaiin min thlah hnuah Biak In kawt atangin Bus-in kan chhuak a. Tluang taka kalin tlai dár 3:15-ah Manikbond kan thleng. Bialtu Pastor, Rev. C. Zaihnuana leh kohhranho ten min lo dawngsawng a; inhmélhriatna neiin, thingpui te kan in ho. Kohhranhin zanriah tuihnai tak min buatsaihsak bawk a, a làwmawm kan ti hle. Kan thlen tlai atangin kan hna thawh tür kan thawk nghâl a. Zing dár 6:00 atanga tlai dár 6:00 thleng hna kan thawk thìn a ni.

10. **Làwmawm lo lam:** Manikbond Bialah hian kohhran panga, Branch Church pathum leh Preaching Station pakhat a awm a. An kohhran te a vaiin kan hmuhpui thei lo erawh chu pawl kan ti hle. An mi hriatthiamna kan díI bawk a ni.

11. **Report tûl dang:** Maniknond-ah hian hnam hrang pathum – Chorei, Ranglong leh Bru an awm a. Chorei hnam zingah hian Kristian ni lo tam tak an awm a, pi pu sakhua (*primal religion*) an la vuan a ni. Thahnemngaih a na hle a ni. Ni 13 (Nilai) zànah Thupui zir lovin kan inkhâwm a. Tlawhtu kohhran atangin Upa C. Liandawlan thu chah a sawi a. Work Camp-a kalten hla kan rem bawk a ni. An kohhranin a tûl apianga an hman atán tiin, ₹ 5,000 kan hlàn a ni.

A tûk ni 14 (Ningani) zing dár 6:00-ah Bialtu Pastor, Rev. Zaihnuan tawngtaiin Work Camp kalte min thlah a. Pathian hruainain tluang takin Aizawl chu dár 3:30-ah kan thleng a ni.

Vanlalhluna, Ramthar Ziaktu

III.

1. **Field hming** : Barak Area Church & Mission
2. **Khua** : Pechechhora, Kalain Pastor Bial
3. **Tlawh hun** : Ni 11-16.March.2024
4. **Tlawhtu** : Chhinga Vénghthlang Kohhran
5. **Kal zât** : Mipa 8
6. **Tlawh chhan** : Hna thawh
7. **Hnathawh** : Missionary quarters tùr inchung rangva chih, Ceiling siam leh Kawngkapui, Tukverh leh ventilation vuah.

6. **Sum hman** : ₹ 1,01,155

7. **Làwmawm lam:** Kum 2022 khân Missionary *quarters* hmun (SMB Project list-a awm chu) hi kan Kohhran chuan leiin, ni 11- 16 April, 2022 chhúng khân Good Friday hmanpui pahin Quarters sak hna chu *work camp* neiin bul ÷an nghâl a ni. *Quarters* mamawh tùr - tukverh, ventilation leh kawngkharpuì te chu tualchhúngah hnatlángin siam a ni a, a sak chhunzawmna tùr pawisa te nèn Field Headquarters-ah kan thawn a. Bialtu Pastor leh thawktu ten Mistiri-te ruaiin *quarters* sak hna hi chhunzawm a ni. Tùn ÷um *work camp*-ah hian luah theih tùrin kan zo thawkhat a ni. Bial chhúng Kohhranhote min ÷awiwawm ÷a hle. Kan missionary-te, Field worker leh Kraws sipaite pawhin a ÷ùl ÷ùlah min pui a; anmahni tak an remchàn loh pawhin an aiawh tùrin an fate emaw anrawn tír hrâm hrâm ÷hìn a, a làwmawm hle.

Work camp chhúng hian khaw lum leh ruah súr avànga hna thawh theih loh khawpa harsatna kan nei lo a ni. Zíng dár 6:00 a ÷angin khaw èn chhúng zawng hna thawh ÷hìn a ni a, zàn dár 9:00 thlenga thawh a ÷ùl cháng te pawh a awm ÷hìn. Heti taka rima kan thawk chung hian harsatna êm êm awm lova hna ruahman sa kan thawk zo thei hi Kohhranhote ÷awng ÷aina avànga Pathian min hruaina a ni a, kan làwm tak zet a ni. Tin, Pu V. Lallianzêla te chhúngkuain *quarters*-a hman tùrin *ceiling fan* pathum zet phal takin an pe a, a làwmawm tak zet a ni. Chanchin ÷ha rawngbawl hna thawktu, Kohhranho zínga kan tel ve ringawt hi Pathian khawngaihna a ni a, chu chu kan làwmna ber a ni.

8. Report tûl dang: Pechechhora Kohhran hi Preaching Station niin, Kalain Pastor bial chhúnga awm a ni. Kohhran chhúngkua 10 niin, member 25 an awm mek. Pechechhora hi Chhinga Véngthlang Kohhranin kan Kohhran Silver Jubilee 2020 hriat rengna tûra Biak In ða tak kan sakna hmun a ni. A hmunah hian Missionary-te chènna tûr Quarters a awm loh avàngin Kalain khawpui chhúng aţangin Missionary pakhatin a enkawl a ni.

C. Vanlalhruaia, Ramthar Ziaktu

IV.

1. **Field Hming** : Tripura Mission Field
2. **Khua** : Gondaek North
3. **Tlawh hun** : Ni 13-18 March, 2024
4. **Tlawhtu** : Lengpui Model Koh Ramthar Comt
5. **Kal zât** : Mipa 11, Hmeichhia 9
6. **Tlawhchhan** : Biak In sak
7. **Sum hman** : ₹ 1,10,640
8. **Làwmawm lam:** Ni 13:3.2024 (Thawhtanni) zing dár 7:00-ah T. Upa Lalruatfelan ðawngtâiin min thlah a, tuang takin zàn dár 10:00-ah Gondaek North kan thleng. Thawktu NI. Lalrintluangi (Mami) Quarters-ah kan innghat. Mipaho Biak Inah an riak a, hmeichheho chu thawktu *quarters*-ah kan riak thung. A tûk zing kár aţangin hna kan ðan nghâl a, Biak In ban leh *tie beam* phuar leh chhùn te thawkin ni li chhúng tuang takin kan thawk.
9. **Report tûl dangte:** Kan chàm chhúngin Bialtu Pastor, Rev. Lalruatfela leh thawktu dangten min ngaihsakna leh an inpêkna a ropui kan ti a, làwmawm kan ti hle. Kohhran member-te an phûrin hnathawh apiangin eng emaw zah an rawn thawk chhuak thei reng a, thawh hona a ða a, a thlamuanthlâkin làwmawm kan ti hle.

Haw lam Inrinni zing dár 5:00-ah chhuakin tuang takin kan kal a; amaherawhchu, Zawlnuam kan pel fel tihah kan chuanna Bus a chhe ta hlauh mai. A ðat hleih theih loh avàngin zàn dár 11:00-ah *bus* dangin Zawlnuam kan chhuahtsan ta hrâm a, a tûk zing dár 5:00-ah Model Lengpui kan thleng.

Laltlansangi, Ramthar Ziaktu

PUN BELHNA 2024

Sl. No.	Field	Hawn Kum	Jan-May 2024
I. HOME MISSION			
1	Home Mission North	1949	47
2	Home Mission South	1987	26
3	Masihi Sangati	1979	2186
4	Caohar Tlangram	2023	14
II. NORTH EAST REGION			
1	Arunachal 'E'	1991	34
2	Arunachal 'N'	2016	31
3	Arunachal 'W'	2001	32
4	Assam	2008	20
5	Barak Area	1975	32
6	Karbi Anglong	1989	87
7	Tripura	1986	583
III. CENTRAL REGION			
1	Delhi	1988	83
2	Jharkhand	2008	203
3	Calcutta	1988	406
4	Lucknow	1999	25
5	Odisha	2016	33
6	Patna	1999	80
7	Siliguri	1988	42
IV. RAM PAWN			
1	Cambodia	2010	9
2	Nepal	2000	80
BEL H KHAMM			4053

RAMTHAR MAN PÊK DÁN



Bank Transfer hmanga pe duh tán a hnuoia Account Number tår lanah hian a pêk theih bawk e.

Account Holder : SYNOD RAMTHAR
 Account No : 10665621086
 IFSC : SBIN0007058
 Bank : State Bank of India
 Branch : Mission Veng

Ramthar man pete chuan an pêk veleh
 WhatsApp No. **8974694225**-ah inhriatfír ni se.

Postal Regn. No. MZR/46/2024-2026

RNI Regn. No. 40889/88

RAMTHAR HLIMTHLA

**Supervisor
of Schools,
SMB hovin,
D i b l i a g h - a
Missionary-te
leh an chhúngte**

**Home Mission
South**



**MISSIONARY NURSE REFRESHER TRAINING
(Ni 3 June - 3 July 2024) BATCH THUMNA**

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,

*Published by Rev. R. Lalhminganga and Printed at the Synod Press, Aizawl
on behalf of Ramthar Association, Aizawl, Mizoram. Copies - 38,000*